



**Le nna ke  
motho**



# **hobane ...**

## **Ke ngwana wa Modimo**

Mang le mang ya dumelang  
hore Jesu ke Kreste o tswetswe  
ke Modimo.

*1 Johanne 5:1a*

## **Ke mohlodi!**

Ke mang ya hlolang lefatshe,  
haese ya dumelang hore Jesu ke  
Mora wa Modimo?    *1 Johanne 5:5*

## **Ke rekilwe le ho lefellwa ke Kreste**

Le rekilwe ka theko e boima,  
ka hona se iketseng makgoba a  
batho.    *1 Bakorinthe 7:23*



## **Ke karolo ya mmele wa Kreste**

Lona le mmele wa Kreste.  
E mong le e mong wa lona ke  
setho sa wona. *1 Bakorinthe 12:27*

## **Ke tempele ya Modimo**

Na ha le tsebe hore le tempele  
ya Modimo, le hore Moya wa  
Modimo o ahile ka ho lona?

*1 Bakorinthe 3:16*

## **Ke tshwaretswe**

“Ka baka leo, tsebang he, bana  
beso, hore ka Jesu le phatlalletswa  
tshwarelo ya dibe. Le dinthong  
tsohle tseo le neng le sitwa ho  
fumanwa le se molato ho tsona  
ka Molao wa Moshe, mang le  
mang ya dumelang ho Jesu o  
fumanwa a se molato ho tsona.”

*Diketso 13:38-39*

## **Ke lokolotswe kahlolong**

Jwale he, ba leng ho Kreste ha  
ba sa tla ahlolwa. *Baroma 8:1*

## **Ke lokolotswe**

“Ha le tiisetsa lentsweng la ka,  
le barutuwa ba ka kannete; le tla  
tseba nnete, mme nnete e tla le  
lokolla.”

*Johanne 8:31b-32*

## **Ke kgethilwe!**

Re tseba le hore, Iona bana  
babo rona, ba ratwang ke  
Modimo, le kgethilwe ke yena.

*1 Bathesalonika 1:4*

## **Ke bolokehile ho Modimo**

Re a tseba hore mang le mang  
ya tswetsweng ke Modimo ha a  
sa etsa sebe, hobane Mora wa  
Modimo o a mmoloka, mme E  
Mobe a ke ke a mo etsa letho.

*1 Johanne 5:18*

## **Ke ba le bophelo bo sa feleng**

Ya nang le Mora o na le  
bophelo boo; ya se nang Mora  
wa Modimo ha a na bophelo boo.

*1 Johanne 5:12*

# Tsohle hobane

... “Modimo o ratile lefatshe hoo a le neileng Mora wa hae ya tswetsweng a inotshi, hore e mong le e mong ya dumelang ho yena, a se ke a timela, a mpe a be le bophelo bo sa feleng.”

*Johanne 3:16*

## Tshepo e phelang

Ho bokwe Modimo, Ntata Morena wa rona Jesu Kreste. Ka baka la boholo ba mohau wa hae, o re tswetse botjha ka tsoho ya Jesu Kreste bafung, hore re tle re be le tshepo e phelang, le lefa le se nang ho bola, leha e le ho silafala kapa ho pona. Ke lona lefa leo le le boloketsweng lehodimong.

*1 Petrose 1:3-4*

**Ditemana tsa thuto ena di nkilwe  
ho Phetolelo e Ntjha ya Bibele ya  
Sesotho (1989).**

E phatlaladitswe le ho ajwa ke  
Mokgatlo wa Bibele wa Afrika Borwa.

[www.biblesociety.co.za](http://www.biblesociety.co.za)



BibleSA.co.za

**BibleSA**

Bibles and audio Bibles are available on the **BibleSA** app.